

Headline	Ipma ambil 25,000 pelajar		
MediaTitle	Mingguan Malaysia		
Date	17 Mar 2019	Color	Full Color
Section	Dlm Negeri	Circulation	245,911
Page No	69	Readership	737,733
Language	Malay	ArticleSize	184 cm ²
Journalist	N/A	AdValue	RM 4,109
Frequency	Daily	PR Value	RM 12,327



Ipma ambil 25,000 pelajar

KUALA LUMPUR 16 Mac - Lebih 25,000 pengambilan pelajar akan dibuat di 10 buah institusi pengajian Majlis Amanah Rakyat (Ipma), sepanjang tahun ini.

Antara institusi tersebut adalah Universiti Kuala Lumpur (UniKL), Kolej Poly-Tech Mara (KPTM), Kolej Profesional Mara (KPM), GiatMara, Institut Kemahiran Mara (IKM), Mara-Japan Industrial Institute (MJII), Kolej Mara dan Kolej Universiti Poly-Tech Mara (KUPTM).

Menurut Presiden merangkap Ketua Pegawai Eksekutif UniKL, Prof. Datuk Dr. Mazliham Mohd. Su'ud, penerangan mengenai 400 program pengajian yang ditawarkan di institu-

si-institusi tersebut boleh diperoleh pada Karnival Insituti Pendidikan Mara 2019, bermula hari ini.



MAZLIHAM

“Banyak peluang dan program di Ipma tetapi masyarakat tidak berapa tahu misalnya mereka yang mendapat keputusan cemerlang boleh menyertai program persediaan ke luar negara di German-Malaysian Institute (GMI) atau UniKL.

“Mereka yang tidak begitu baik keputusan Sijil Pelajaran Malaysia (SPM) pula, Ipma ada program kemahiran seperti yang ditawarkan di IKM dan GiatMara,” katanya dalam sidang akhbar sempena karnival itu di Medan Mara, di sini hari ini.

Yang turut hadir, Ketua

Pegawai Eksekutif KPTM, Nordin Ahmad dan Pengarah Majlis Amanah Rakyat (Mara) Wilayah, Raja Sarimah Raja Jamaluddin.

Jelas Mazliham, selain membuat permohonan, para pengunjung juga berpeluang untuk terus ditawarkan penajaan pendidikan daripada Mara, Perbadanan Tabung Pendidikan Tinggi Nasional (PTPTN) serta beberapa agensi lain.

Kata beliau, UniKL selaku penganjur utama karnival tersebut menyasarkan 250,000 pengunjung dari seluruh negara hadir pada karnival itu yang dijangka berakhir di Perak pada 21 April depan.

Orang ramai yang ingin mengetahui lokasi karnival boleh laman web Mara iaitu www.mara.gov.my atau layari akaun media sosial Facebook dan Instagram, karnivalipma.